

JZP a papia cu esnan envolvi:
**OM ta evalua resultado di
denuncia di violacion den caso
'Ibero-American High School'**



ORANJESTAD (AAN): Diamars atardi, Ministerio Publico (OM) pa medio di su vocero, Ann Angela a duna un declaracion cortico relaciona cu e sucedido na Ibero-American High School.

Segun OM, Jeugd en Zedenpolitie (JZP) a papia mientrastanto cu algun di esnan envolvi y e resultadoonan di esaki ta actualmente wordo evalua pa Ministerio Publico.

Relaciona cu privacidad di esnan envolvi, Ministerio Publico lo no duna mas informacion cu esaki.

E declaracion aki ta relaciona cu e caso di viola-

cion di un alumno di scol unda a wordo indica cu ta un IT Manager a comete abuso sexual contra e mucha muher di 15 aña.

Tata di e mucha muher a bisa den prensa dialuna cu kier pa autoridad actua y cu el a bay pa entrega denuncia. Mientrastanto, e mama di e mucha muher, parece a dicidi di papia por fin cu autoridad ariba e sucedido.

Awor parece e caso ta debidamente den man di autoridad. Lo keda pendiente pa mas informacion y kico lo resulta for di e evaluacion di Ministerio Publico.